

VAZHDOJNE TRAJNIMET PER SHTRIRJEN E SISTEMIT TE RI TE NDIHMES EKONOMIKE NE QARQE TE NDRYSHME

#Drejtoria e Kontrollit të Pagesave të NE dhe PAK, SHSSH

Skema e re e NE e pilotuar me sukses në Tiranë, Durrës, Elbasan, që nga muaji Janar 2018 po shtrihet pas procesit të pilotimit në Qarkun e Tiranës, Durrësit dhe Elbasanit edhe në 9 Qarqet e tjera të vendit. Në këtë kuadër është bërë gjithçka dhe janë përgatitur kapacitetet e duhura që duhen për verifikuesit dhe IT në Drejtoritë Rajonale. Ata kanë marrë trajnimin e radhës për ta zbatuar me sukses skemën e re të NE. Me skemën e re:

- Më pak dokumenta për aplikim,
- Targetim më i mirë i varfërisë,
- Transparencë maksimale,
- Rritje e masës së përfitimit,
- Riintegrim.

Drejtoria Rajonale e Sherbimit Social Shtetëror, Berat

Drejtoria Rajonale e Sherbimit Social Shtetëror Berat, duke vlerësuar rolin e Keshillit Bashkiak, si një hallkë shumë e rëndësishme në procesin e vendimarrjes për ecurinë e reformës së ndihmës ekonomike, ndjek nga afër çdo mbledhje të këshillave bashkiakë të Qarkut Berat. Qëllimi është forcimi i bashkëpunimit si kusht për të patur sukses në zbatimin e kërkesave të reja të Reformës së NE-së. Bashkëpunimi i DRSSH dhe Bashkisë Berat jo vetëm synon informimin për kërkesat e ligjit të NE, por edhe ndërgjegjësimin për rolin e rëndësishëm që ata kanë në vendimarrjen në kohë, verifikimit të listës së aplikantëve, si dhe të përcaktimit të kriterëve të familjeve të varfëra që do të përfitojnë nga 6% i bllokndihmës.



#Drejtoria Rajonale e Shërbimit Social, Lezhë



Drejtoria Rajonale e Lezhës, në kuadër të bashkëpunimit me aktorë e faktorë komplementarë rajonalë organizoi një veprimtari të përbashkët me të gjithë aktorët social që veprojnë në Qarkun e Lezhës. Qëllimi i takimit dhe objektivi i debateve dhe diskutimeve ishte njohja e situatës sociale dhe problematikave të grupeve të pafavorizuara dhe njerëzve në nevojë. Në këtë kontekst stafi i Drejtorisë Rajonale të ShSSH Lezhë informoi në mënyrë të detajuar dhe me kompetencë profesionale aktorët mbi ndryshimet e reja të standarteve dhe Shërbimeve Shoqërore. Në takim u diskutua mbi problematikat e hasura gjatë vitit 2017, dhe në përfundim dolëm me rekomandime për mbarëvajtjen e punës për vitin 2018. Një model shumë i mirë i bashkëpunimit dhe përcaktimit të roleve dhe ndarjes së përgjegjësisë sociale në nivel Qarku.

#Për forcimin e standarteve dhe cilësisë së shërbimeve

Sipas planit të veprimit Drejtorisë Rajonale të ShSSH të Qarkut Elbasan, ka realizuar procesin e monitorimit dhe verifikimit të cilësisë dhe standarteve të shërbimit të ofruar në Institucionet e Përkujdesit Shoqëror "Misionaret e Bamirësisë, Motrat e Nënë Terezës dhe Qendra Publike Sociale "Balashe". Gjatë këtyre monitorimeve u vëzhguan nga afër përfituesit e kategorisë fëmijë, të rinj me AK dhe të moshuar, si dhe u punua për Planet Individuale të Zhvillimit të tyre. Pjesë e këtij monitorimi ishte dhe inspektimi i Kutisë së Ankesave, si një ndër standardet e parashikuara nga legjislacioni në funksion të rritjes së cilësisë së shërbimeve për IPSH-të





SHERBIMI SOCIAL

#Bashkëpunime të frytshme



Drejtoria Rajonale e Shërbimit Social Shtetëror Berat, së bashku me stafin e Qendrës Rezidenciale e ditore "Lira" Berat, organizuan mbledhjen e tryezës teknike të grupit multidisiplinar, për përcaktimin e kërkesave të përmirësuara të "Planeve Individuale" 6-mujore të kujdesit për përfituesit rezidencial. Qëllimi është vlerësimi sa më i personalizuar i nevojave, kërkesave dhe ndërhyrjeve individuale për të përmirësuar punën dhe treguesit e zhvillimit individual. Mbi këtë bazë u realizua një punë e detajuar, me vlerësime të diferencuara për secilin rast, duke përcaktuar objektiva specifike për zhvillimin e çdo fëmije.

INSITUACIONET E PËRKUJDESIT SOCIAL

#Krijimtari e aktivitete në Qendrën Kombëtare të Viktimave të Trafikimit



Veprimtaria e QKPVT është vazhdimisht duke u dinamizuar dhe po bëhet më e larmishme. Trajtimi i personave me qëndrim të përkohshëm gjithnjë e më tepër po i shmanget kornizave të ngushta të rezidencializmit pasiv. Në këtë kontekst u zhvillua një aktivitet krijues me punime artistike. Një risi kjo në aktivitetet që zhvillohen në këtë qëndër sociale. Synimi ishte që të zhvillohej një veprimtari që është në funksion të zhvillimit të imagjinatës artistike. E veçanta e këtij aktiviteti të rradhës ishte se punimet që u drejtuan me asistimin e mësueses së artit, u realizuan me produkte ushqimore (Oriz dhe Makarona). Ky aktivitet dhe publikimi i tij u mundësua me mbështetjen financiare të AAPSK-së. Agjencia e Administrimit të Pasurive të Sekuestruara dhe të Konfiskuara.



SHERBIMI SOCIAL

#Histori Jete

Kështu i quajnë banorët e Qendrës Ditore Polivalente në Kamëz aktivitetet që zhvillojnë për të festuar ditëlindjen e cilitdo prej të moshuarve të kësaj qendre sociale. Para ca ditësh aty u festuan ditëlindjet e tre banorëve, të kësaj “shtëpize e vogël” por me zemër të madhe.

“Histori jete” janë ditë të shënuara që sjellin kënaqësi të veçanta për banorët e shtëpisë ditore. Muaji janar në këtë qendër sociale filloi me këto aktivitete jashtë ambienteve të institucionit. Ky aktivitet u mundësua nga Deputeti Z. Manja dhe Z. Genti pronar restorantit, duke dhuruar buzeqeshje në këtë ditë urimi për Aliun, Lemen dhe Saliun.



FESTOJME SE BASHKU

#E gëzofsh ditëlindjen Ili!



Është bërë traditë pozitive në Qendrën e Zhvillimit “Pëllumbat” festimi i ditëlindjeve të fëmijëve. Një ritual që fëmijët e presin me kënaqësi dhe emocion. Ditët e fundit aty u festua ditëlindja e Ili. Një atmosferë e gëzuar që u zhvillua përmes lojrave të bukura, muzikës së gëzuar fëminore. Doemos që nuk mund të mungonin në këtë festë të Iliit edhe dhuratat. Këto festa janë raste për më shumë buzëqeshje dhe gëzimi që shfaqet në sytë e ktyre fëmijëve.